

INUIT ATAQATIGIIT

Inatsisartuni



10. august 2017

Inatsisartut suleriaasianni § 37 naapertorlugu Naalakkersuisunut imaattunik apeqquteqarpunga:

1. **Nunatta imartaata nutaamik assiliorneqarnissaa pillugu qallunaat naalakkersuisunut isumaqatigiissut qanoq imaqarpa?**
2. **Nunatta imartaata nutaamik assiliorneqarnerani sulineq sumut killippa, qaqugulu naammassineqarsinnaanera naatsorsuutigineqarpa?**
3. **Nunatta imartaata assilioqqinnerani imaatigut angalasut atortorissaarutit sumiissusersiutit atortillugit nunap qaatigut ingerlalersinnaasarnerat pinngittoorneqarsinnaalissava?**
4. **Kinguaattoorneq nunatsinni imaatigut angalasunut qanoq sunniuteqassua?**
5. **Nunatta imartaata assiliornera nunatsinnit nammineq akisussaaffigineqarsinnaasutut Naalakkersuisut nalilerpaat? Taamaassimappat nunatsinni nammineq isumagisinnaalernissaanut qanoq pilersaaruteqartoqarpa, soorlu immaqaa Asiaq-mut akisussaaffik inissineqarsinnaavoq?**
6. **Naalakkersuisut qallunaat naalakkersuisunut nutaamik isumaqatigiissusiornissaq pilersaarutigivaat? Taamaassimappat kinguaattoorneq pillugu qanoq pi-umasaqaateqartoqalersaarpa?**
7. **Kinguaattoornerup kingunerisaanik nunatta imartaani nutartikkamik nalunaarsorneqarsimangittumi umiartoqassappat ajutoortoqassappalluunniit Qallunaat Naalagaaffia akisussaasuussua?**

(Inatsisartuni ilaasortaq Bendt B. Kristiansen, Inuit Ataqatigiit)

Tunggavilersuutit:

Soorlu qallunaannt qallunaallu nunaannut bilinut aqqusernit pingaartut, nunatta imartaa taamatorluinnaq Kalaallit Nunaannut pingaaruteqartigaaq.

2009-mi 2018-ip naanerani tunniunneqartussamik Kalaallit Nunaata imartata nutaamik immap assiliorneqarnissaannik qallunaat nalagaaffiat Namminersorlutillu Oqartussat isumaqatigiissuteqarput.

Nunatta imartaata assiliornissaanut akisussaaffiup qallunaat oqartussaasuinit tigummineqarnera ilisimaarilluarparput, tassani ulluinnarni Geodatastyrelsi akisussaasutut inissisimalluni; taamattaq Geodatastyrelsip Københavnimit Aalborgimut nuunneqarsimanera ilisimaaraarput, tamatumalu kingunerisaanik styrelsi sulisuminik misilittagalinnik amerlanerpaanik annaasaqarsimanera.

Maanna qallunaat naalagaaffiat isumaqatigiissummik naammassinnissinnaanngitsoq paasereerparput, tamannalu pisut ajornerpaatillugit nunatta imartaani peqqarniissinnaaqisumi inuunermik akeqariaannaavoq.

Ullut suliffiusut qulit ingerlaneranni akineqarnissara naatsorsuutigilluinnarpara.